



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Quæstio I. An & quando teneatur Superior dare petenti facultatem
absolvendi à reservatis?

urn:nbn:de:hbz:466:1-37144

conformiter Trid. *sess. 14. cap. 7.* statuenti, ut reservatio fiat in ædificationem, non in destructionem; & ne occasione reservationis aliquis pereat.

333. Cùm ergo aliqui ex DD. subinde afferunt, Reservationem fieri ad bonum commune, & rectam Ecclesiæ gubernationem. Palao *tr. 2. Disp. 1. p. 17. n. 8.* ad majus bonum commune. Tan. *tom. 4. Disp. 6. q. 9. n. 79.* ad religiose disciplinæ conservationem. Lug. *cit. Disp. 15. n. 116.* vel ut Trid. *l. c.* ait, magnopere ad populi Christiani disciplinam pertinere &c. intelligi non potest, nec debet aliter, quām quatenus bonum commune & disciplina consistit tantum in bono & honestate singularum, indēque resultat: vel certè non positive, sed tantum negative, hoc est, eatus, ut reservatio impedit subditos à peccatis, per quæ bonum commune, vel disciplina, vel alii graviter laderentur. Ratio est manifesta; quia Christus Sacramentum Pœnitentiae, & Sacramentalem Jurisdictionem unicè tantum instituit in bonum pœnitentis; ergo cùm Ecclesia hunc finem Sacramenti imutare non possit, ideo sicut nemini Jurisdictionem Sacramentalem potest concedere, ita quoque nemini potest eandem restringere, seu propriè reservare, nisi in bonum pœnitentis. Et verò licet subditi confiteantur reservata peccata superiori, iste tamen non potest ullo modo hac Sacramentali notitiâ uti ad publicam gubernationem, ob prohibitionem Clem. VIII. in decreto de Cal. Reservat. de quo *suprà n. 245.*

& seq. His suppositis, est

QUÆSTIO I.

An & quando teneatur
superior dare petenti facultatem
absolvendi à reservatis.

Tria sunt, quæ ad plenam hujus Quæstionis Resolutionem videntur necessariò esse afferenda; nimis 1. Quando debeat negari? 2. Quando possit negari vel dati? & 3. Quando debeat dari?

§. I.

Quando debeat negari facultas ab solvendi à reservatis?

334. Dico itaque I. Aliquando superior ita simpliciter & absolute tenetur petitam facultatem absolvendi à reservatis negare, ut non possit ullo modo concedere. Nempe in casu, quo subditus est aliquo Jure, per superiorē indispensabili, graviter obligatus, ut, cùm per se & alio modo non possit, per sui manifestationem superiori factam, per quam solam potest, caveat communitatī, ordinī, monasterio, aut alicui tertio à gravido aut scando; vel sibi ipsi, aut complicita relapsū. Ratio, quia cùm subditus, ut ponitur, sit graviter & indispensabiliter obligatus ad cavendum suum vel aliorum damnum, idque non possit nisi per solam manifestationem sui apud superiorē, non potest ei dari facultas, se apud eundem non manifestandi. Imò, quia hoc ipso, quod possit & indispensabilitate debeat, sed tamen nolis se manifestare, graviter contra suam obligationem peccat; ideo in hoc statu est incapax absolutionis.

lutionis, ergo superior frustra daret facultatem absolvendi illum, ficeretque se participem alieni peccati. Et hunc casum nemo potest negare; hic tamen ab aliis non repertio expressum; obscurè taritum insinuare videtur Gobat *tr. 7. n. 702.* cùm ait, Reum non teneri sub mortali manifestare se superiori, nisi quando lex naturalis illum ad id obligat, nimurum indispensabiliter, adeoque etiam seclusa omni reservatione.

335. Ad prædictam porrò obligationem contrahendam requiritur. I. ut subditus Jure aliquo, per superiorē indispesabilē obligetur &c. Nam si superior possit subditi obligationem relaxare, hoc ipso jam non simpliciter & absolutē tenetur negare ei facultatem alteri confitendi absque sui manifestatione apud superiorē. II. ut subditus per se vel alio modo, non possit cavere damnum &c. quia si subditus per se vel alio modo, quam sui manifestatione apud superiorē, possit & velit cavere damnum suum & aliorum, tunc superior adeo non tenetur negare peritam facultatem, ut potius debeat eam sine difficultate dare; ut dicetur *infra.* III. ut superiori moraliter certò constet de tanta subditi obligatione; quia onus certum, idque tam grave non est superiori aut subdito imponendum absque ulla firma ratione (sicut fieret in dubio negativo) multò minus, si superior vel etiam subditus habet pro sua libertate probabilem rationem, sicut fieret in dubio positivo. Atque ita in aliis minus urgentibus casibus moralem certitudinem hic requirit expretè Tamb. de casib. reserv. cap. 8. §. 2. n. 2. Palao *l.*

c. n. 5. Coninch *l. c.* n. 109. & Card. Lug. cit. *Diss.* 20. n. 236. qui duo requirunt, ut *confitetur*: quod autem quoconque jam modo dubium est, non constat; ergo & hic. Quia verò prædictus casus cum omnibus suis requisitis est planè rarissimus, rectè quoque dicitur rarissimum esse, ut superior (absolutē & simpliciter) teneatur, negare petenti facultatem absolvendi à reservatis. Nullo modo autem, quod à multis non satis observatur, confundi ille debet cum aliis sequentibus, de quibus

§. II.

Quando facultas absolvendi à reservatis possit negari, vel dari?

336. Dico II. Aliquando superior potest & tenetur petitam facultatem absolvendi à reservatis negare; sed ita, ut non obstante hac obligatione possit, & quandoque superveniente rationabili causa etiam debeat concedere; adeoque non simpliciter & absolutē teneatur negare (sicut in casu conclusionis præcedens) sed secundū quid, & ad melius esse, vel juxta legem tantum aliquam humanam. Hoc autem modo tenetur superior negare facultatem, quando probabiliter timeri potest ex ejus concessione vel ex reservato peccato subditi oriturum grave damnum vel scandalum communitatis, Ordinis, vel tertii, vel ipsius pœnitentis alioqui relapsuri; item quando pœnitens est recidivus, peccavit cum complice, vel ex occasione extrinseca. Ratio, quia superior ex officio suo tenetur eo modo, quo ipsi præscriptum est, & commodè potest.

poteſt, impediſe, ne ſubditi ſibi iſpis vel aliis graviter noceant; ſed aliquando non potheſt alio modo impediſe, quam negan- do petitam facultatem, ergo, &c. Bonus quoque Paſtor, Medicus, & Pater tenetur, ſi potheſt, impediſe non tantum, qua certò, ſed etiam quæ ſaltem probabilitate ſunt ſuis, vel per ſuos aliis futura gravi damno. Et hujus generis ſunt caſus illi, de quibus DD. in materia Reservationis communica- ter loquuntur.

337. Ut autem in iis aliquando ſuperior teneatur negare facultatem, requiri- runtur sequentia. I. Ut recidivus non confeatur, qui peccatum reservatum fæ- pius commiſit ante illam confeſſionem, in qua primò ſe de eo accuſat; ſed tan- tum, qui poft eam iterum in una vel pluri- bus aliis ejusdem criminis de novo perpe- trati reum ſe facere, & fateri debuit, ut bene docet Gobat tr. 7. n. 696. cum seq. quamvis ibid. non audeat determinare, an poft binas diverſas abſolutiones biſ relapſus, adeoque tertia vice ob idem Peccatum rurſus commiſſum abſolutione indigens ſit, vel non ſit habendus pro re- cidivo. Sed Dicast. cit. Diff. ii. n. 329. Si pœnitens, inquit, non admodum fre- quenter ſit recidivus (hoc eſt relapſus) tioν video, quare ſuperior velit eſſe diſfi- cilis in concedenda facultate; ergo mul- tò minùs, quare teneatur negare. At- tendendum hīc meo juſicio etiam eſt ad tempus, quod inter alium, & alium re- lapſum intercedit. Si quis enim ſæpius, ſed poſt longiora intervalla reincidat in idem peccatum reservatum, videri potheſt tunc non ex voluntate in malo obfirma- ta, ſed ex fragilitate potius naturæ, ve-

hementiā tentationum &c. relabi, adeo- que etiam dignus, ut potius commiſſera- tionē adjuvetur, quam ut jam antea affli- dus per rigorem negatæ facultatis am- plius affligatur.

338. Requiritur ad prædictam obliga- tionem contrahendam II. ut ſuperior ipſe poſt auditam pœnitentis confeſſionem, vel eius maniſtationem poſſit malo, quod timerit, ſufficiens remedium affer- re, ſalvo confeſſionis ſigillo. III. ut ad occurrentum tali malo nullum aliud ſup- petat remedium, quam ut pœnitens con- fitetur, aut maniſtetur ſuperiori, adeo- que etiam IV. ut ſuperior non poſſit ha- bere aliū, quem ſuo loco luſtituat, ut pœnitentis confeſſionem excipiat, & ma- lis, quæ timetur, ſufficienter provideat; atque ita ſuperior merito & prudenter Confefſarium vel Sacerdotem, qui pro alio petit facultatem, juſdicet eſſe inſuf- ficientem, neque aliū idoneum poſſit comodiè affignare. Et hæc tria capita expreſſè requirunt DD. loquentes de tali periculo & damno pœnitentis, vel aliorum, cui ſuperior, inquit Reginald. I. 8. n. 44. audiat confeſſione, non autem aliter, poſſit remedium afferre, ſalvo ſi- gillo; cui ſuperior, & non aliū, ait Pa- lao I.c. n. 5. remedium adhibere poſſit; quod non ipſe Subditus & Confefſarius præcavere poſſint, ut loquitur Dicast. I.c. n. 326. quod non poſſet aliter impediti, niſi ſuperior illud ſibi reſervaret (pecca- tum, negando facultatem) & hoc modo ſperaret omnino ſe poſſe illud (pericu- lum) impediſe ſine ulla ſigilli violatio- ne, ſcribit Coninch I.c. n. 109. V. ut negatio petitæ facultatis non videat cel-

Cc

ſura

R. P. Stoß Trib. Pœnit. Lib. II.

sura pœnitenti in aliquod aliud grave
damnum à relapsu distinctum , de quo
Concl. seq.

339. Requiritur denique VI. ut supe-
rior sit de his omnibus moraliter certus, ut
in terminis loquuntur Tamb. & Palao *in
fine præced. concil.* relati ; imò Coninch,
& Card. Lugo etiam volunt superiorum
non teneri negare facultatem, sed debere
concedere, nisi *confess* peccatum reservatum,
vel concessionem facultatis esse pœ-
nitenti quoad relapsum , vel alius quoad
alia graviter damnosam ; adeoque id mor-
aliter certum sit, & non tantum *probabilis*
timeatur, probabilitate quacunq; sed
probabilitate certitudini moralis æquivale-
rente : quarum illa prior sufficit quidem, ut
peccatum fiat reservatum , & forte ali-
quando possit negari facultas absolvendi;
sed posterior necessaria est, ut superior te-
neatur negare facultatem , positis simul
etiam alius omnibus co*m*memoratis requi-
fitis. Ratio est clara , quia superior non
tenerit negare alius facultatem absolvendi
à reservatis, nisi quando id est necessari-
um medium ad vitanda damna , quæ ti-
mentur, ut indicatur etiam in nostris *Ord.*
Gen. cap. 6. n.2. atque negatio facultatis
nunquam est necessarium medium ad vi-
tanda damna, nisi positis omnibus prædi-
cis requisitis, & circumstantiis : ergo &c.

340. Verùm hæc ipsa necessitas , si
quando existit , non est ex parte superio-
ris tam'absoluta , & præcisa sicut *in præ-
ced. concil.* cùm tantum fundetur in pro-
babilitate, vel ad summum in moralis cer-
titudine; ideo potest non raro alia tam
rationabilis & gravis causa intervenire,
quæ illum ab ea necessitate & obligatio-

ne excusat, vel etiam ad contrarium, hoc
est ad concedendam facultatem obligat.
Item quia prædicta necessitas, cùm tan-
tum ex parte superioris se teneat *Sup. n.316.*
non afficit, vel certè nondum sufficienter
stringit subditum; neque ille aliquo alio
Jure sat's firmiter obligatur ad damna aut
pericula quædam vitanda cum tam gravi
aut difficulti medio confessionis , aut sui
manifestationis apud superiorum facien-
dæ ; ideo ad hanc obligationem in sub-
dito constituendam opus est lege & præ-
cepto aliquo superioris. Ut proinde
subditus in casibus reservatis hujus *Concl.*
non alio jure teneatur se sistere superiori,
quām ex obedientia. Quodsi ergo hic
aliquando subditus nolit se sistere , cùm
deberet , peccat quidem in re gravi &
graviter contra obedientiam ; propri
illud tamen peccatum non est incapax ab-
solutionis ; sed deinde , quando tandem
superior condescendit , arque facultatem
alteri confitendi concedit, debet se uti de
aliis , ita etiam de hoc Inobedientia pœ-
cato accusare. Sicut etiam debitor, qui
quidem peccat contra Justitiam, si, quod
debet, & creditor serio exigit, firmiter no-
lit solvere, cùm possit; postquam tamen
creditor debitum tandem remittit, po-
test & ab illo peccato Injustitia , & ab
alii legitimè absolviri. Reginald. *I.e.n.49.*
Imò si subditus nunquam hic firmam con-
cipiat voluntatem non obediendi , sed
tantum petendo facultatem inſter, ut su-
perior, sic ut potest, tandem remittat obli-
gationem , se sistendi; fieri etiam potest,
ut subditus hac in re vel omnino nihil,
vel certè non graviter peccet. Lug. *l.c.
n.240.*

341. la

341. In dubio porrò de superioris vel subditi obligatione ob defectum unius vel alterius requisisti, ait expresse & universaliter Lug. l. c. n. 236. semper esse in benignorem partem inclinandum, & petitam facultatem concedendam. Neque rectè excipit Gobat tr. 7. n. 732. dubium de gravi damno publico seu communitatis; quia eti superior teneatur prospicere potius bono communitatis, quam bono personæ particularis. Dicast. l. c. n. 326. & major ratio illius haberi debeat quād hujus. Laym. l. 5. tr. 6. cap. 12. n. 7. haec tamen illi ll. cc. loquuntur non de casu dubio. Et si loquerentur etiam de casu dubio, verum id esset tantum in foro fori & externo, non item in foro poli & Sacramentali. Istud enim est à Christo unicè in bonum & commodum penitentis institutum, ergo debet in eo, cum dubium occurrit, in penitentis potius, quam in ullius alterius, etiam communitatis, favorem pronuntiari; uti constat fieri in materia Restitutionis, in contrariabus, & aliis similibus causis, etiamsi bonum communitatis attingant.

§. III.

Quando debeat dari facultas absolvendi à reservatis.

342. Omnibus denique consideratis, quia ea omnia, quæ ad obligationem superioris de negatione facultatis requisita esse dixi, raro præsumenda sunt, ut ait Palao l. c. n. 5. Coninch n. 109. & rarissimè constare superiori possit, an & quando omnia adsint, cum casus reservatus non possit ei in specie cum omnibus cir-

cumstantiis proponi ob periculum frangendi sigilli; idè rarissimè & quasi tantum per accidens, etiam in casibus secundæ Concl. fiet, ut superior prædicto modo teneatur negare facultatem. Quam obrem DD. formant Regulam in contrarium, & concludunt, Regulariter superiorem obligatum esse, potenti per se vel per Confessarium facultatem concedere. Palao cit. n. 5. moraliter & per se loquendo debere esse facilem in concedendo. Reginald. l. c. n. 49. Bonac. l. c. n. 19. communiter concedendam esse facultatem. Lug. l. c. n. 236. De quo una cum illis

343. Dico III. Regulariter, communiter & per se loquendo tenetur superior semper facultatem absolvendi à reservatis concedere, quando subditus eam per se, vel, ut teste Coninch cit. Diff. 8. n. 111. & Dicast. cit. Diff. 11. n. 331. ordinariè sit, per Confessarium petat. In specie autem

I. Quoties nullam habet justam causam negandi. Reginald. l. c. n. 49. Coninch l. c. n. 111. & alii cum Suarez tom. 4. Diff. 30. scđ. 4. n. 9. ubi: ad concedendum, inquit, sufficit, quod nulla specialis ratio negandi occurrit: ad negandam autem oportet adesse specialem rationem negandi. Hoc ipso enim, quod subditus petit facultatem, ostendit, sibi valde grave esse, superiori confiteri, eique manifestari; ergo superior tenetur eum gravi hoc onere liberare, si commodè potest: sicuti potest, cum nullam habet rationem in contrarium. Sic etiam in nostris Ord. Gen. cap. 6. n. 1. dicitur, posse superiorem graviter offendere, si impruden-

ter, & sine justa gravique causa facultatem petitam neget. Addo, quod plus periculi soleat esse in negatione, quam in concessione facultatis. Dicast. l.c. n. 328. & communiter gravius malum oriatur ex negatione, quam ex concessione. Coninch l.c. n. III. ergo superior tenetur, si potest, periculum ejusmodi & malum praecavere.

Justa autem causa negandi non est, si tantum speretur ex negatione facultatis aliorum utilitas, sed cum detimento & gravi incommode pœnitentis; quia Sacramentum pœnitentiæ, & Reservatio instituta sunt in bonum pœnitentis, ergo non licet uti tali negatione (facultatis) tanquam medio ad procurandam aliorum utilitatem interveniente detimento subditi, inquit Reginald. n. 46. & optimè advertit n. 47. aliud esse, aliorum utilitatem procurare, & aliud, vitare aliorum nocumentum; atque ob istud, non item ob illud posse negari facultatem.

344. Quodsi ergo superior probabilius timeret, ex sua facilitate concedendi facultatem alios sumptuos scandalum, & facilis, graviusque peccaturos, similique alia omnia requisita, de quibus supra, concurrerent; tunc non tantum posset, sed etiam teneretur negare facultatem. Dicast. l.c. n. 326. Palao n. 5. Sed talia, inquit Coninch cit. n. 109. non sunt facilè presumenda; cum concessiones sicut omnino secretæ, & raro soleant ex iis talia contingere. Putat quidem Coninch l.c. n. III. hoc posse tunc præsumi, cum valde frequenter ejusmodi licentia exigitur, & interim religiosa disciplina laxatur, eisque consentit Laym. l.c. n. 5.

tr. 6. cap. 12. n. 7. & Dicast. l.c. n. 33. At verò rectius Palao cit. n. 5. faterur, præsumptionem hanc esse levem, cum aliunde quam ex concessione licentiae possit disciplina relaxari, & ad eam adstringendam habeatur alia media, quæ prius sunt tentanda. Ex quibus patet, justam & gravem causam negandi facultatem non esse, nisi quando superior tenetur negare juxta dicta primæ & secundæ Conclusionis, adeoque etiam non facile dari posse causum medium, in quo, ut vult Lugo l.c. n. 241. possit superior pro suo arbitrio negare & concedere facultatem, atque adeo ad neutrum teneatur.

345. II. Quoties pœnitens rationabiliter timeret, si superiori confiteatur, aut manifestetur, inde sibi grave damnum oriturum, confessioni ipsi extrinsecum, v.g. grave odium, fractionem sigilli, abusum notitiae Sacramentalis ad publicam gubernationem, vel ad alia in suum aliquod incommodum &c. vel sibi alium, à superiore designatum speciatim Confessarium non futurum auxilio ob inimicitiam, aversionem, improbitatem, imperitiam &c. Reginald. l.c. n. 43. Coninch l.c. n. 108. Lug. l.c. n. 235. quiduo ajunt, in hoc convenire omnes, quia superior nullum habet jus in tali casu obligandi subditum ad se sistendum, aut manifestandum.

346. III. Quoties ex negatione petrae facultatis prudenter timeri potest aliud grave aliquod damnum spirituale subditi, quod quidem non aliunde, sed tantum ex aliqua ejus passione vel alia fragilitate oritur. Dicast. l.c. n. 325. Reginald. l.c. n. 45. vel ex inordinata verecundia, vel alia

alia apprehensione. Coninch. *I.c.* n. 109. & ali communiter cum S. Thoma apud ipsos; ut: si possit prudenter timeri, subditum non integrè confessurum superiori; vel absque confessione communicaturum aut celebraturum; vel confessionem, communionem, aut celebrationem diu omisurum: inò eti vel solùm timeri possit, subditum cum multo minore fructu confessurum superiori, quam alteri. Dicast. *I.c.* Coninch *I.c.* n. 110. quibus consentit. Reginald. *I.c.* n. 45. cum hac tamen limitatione: nisi ad aliorum exemplum & bonum commune sit necessarium negare. Quæ tamen limitatio est illi ipsi, & ejus doctrina n. 46. traditæ ac sup. n. 312. relatae contraria. Ratio horum patet ex ipsa natura & fine Reservationis. sup. n. 301. explicatis. Sicut enim confessio, ita & reservatio inducta est in utilitatem pœnitentis; ergo non debet ita observari, ut cedat in ejus detrimentum & destructionem. Coninch, *cit.* n. 110. & cùm concessa sit in bonum subditum, non debet in eorum dispendium detorperi. Palaio *I.c.* n. 4. Neque refert, ut Reginald. *cit.* n. 45. loquitur, quod subditus ipse sit sibi cauila alicujus talis mali ex iis, quæ hic enumeravimus; quia etiam hoc spiritualis Pastor impedire tenetur, si commodè potest.

Rectè tamen limitat hæc Coninch *I.c.* n. 109. nisi constet (seu moraliter certum sit,) peccatum reservatum subditum vergere in scandalum aut detrimentum aliorum, quod superior speret se posse acceptâ confessione vel manifestatione subditum impedire, & nullo alio modo. Quod ipsum videtur voluisse Dicast. *I.c.* n. 326.

cum eadem limitando, non dixit: nisi superior probabiliter timeat, sed nisi prudenter timeat, &c. Certè si superior probabiliter tantum timeat damnum aliorum; sed ad id vitandum non sit necessaria negotio petitæ facultatis, non potest superior licet eam negare, sed tenetur dare, ut sup. n. 335. 339. & 341. probatum est, & confirmatur *ex seq.*

347. IV. Si subditus nihil aliud habeat, quod timeat, sed præcisè tantum horreat, subire ruborem & confusionem apud superiorem, ipsi confessioni intrinsecam; valde magnam tamen habeat difficultatem in hoc errore superando, ac propterea per confessarium petat facultatem, teneat superior eam dare: nisi constet de alio pœnitentis vel aliorum graviore damno, & ad id vitandum sit necessarium negare facultatem. Lug. *cit.* n. 236. quia subire confusionem, à qua quis magnopere abhorret; item eadem peccata bis confiteri, vel duobus manifestare, sunt gravia onera; ergo superior, si commodè potest, tenetur ab iis subditum, ita rogantem, liberare.

348. V. Si superior ex facta sibi relatione de casu reservato ejusque circumstantiis, quantum salvo sigilliferi potest, judicer, se habere sufficientem causam, negandi facultatem; sed tamen simul ex Confessario, vel aliunde cognoscat, reum obfirmato animo nolle ipsi confiteri aut manifestari, nec posse ad id ulla ratione adduci; tunc etiam huic negare non potest, sed tenetur concedere petitam facultatem. Reginald. *I.c.* n. 49. quia Reservatio habet rationem medicinæ, ut sup. n. 103. dictum; atqui absurdum est, in-

quit Reginald. Medicinam, ad sanationem institutam, tunc alicui applicare, cùm non prodest, sed obesse cognoscitur.

349. In nostris *Ord. Gen. cap. 6. n. 4.* statuitur, quòd priùs tendanda sint aliqua media, de quibus superior & confessarius inter se conferant; ac tandem, si nullum aliud reperiatur, superior facultatem negare non debeat. Quæ tamen intelligenda sunt tantùm de casibus *Concl. secundæ*; quia in his, cùm subditus teneatur tantùm ex præcepto Superioris & vi obedientiæ illi confiteri, aut manifestari, potest tandem superior hanc obligationem remittere, faceréque, ut subditus, si unacum aliis peccatis etiam de hac contumacia se apud alium accuset, capax sit absolutionis, ab eoque validè & licitè absolvatur, vide *supra n. 340.* In casibus autem *Concl.* primæ hæc locum habere non possunt, quia superior obligationem subdit, ut pote à se indispensabilem non potest remittere; & quādiu subditus potest, sed contumaciter non vult satisfacere, tamdiu est in statu peccati mortalis, & incapax absolutionis, ut *ibidem* dixi.

350. VI. Si superior audito casu reservato judicet, ad vitandum penitentis vel aliorum damnum esse necessarium, ut negetur petita facultas, séque teneri negare, econtra autem Confessarius judicet, id non esse necessarium, nec superiorem teneri negare, sed posse & debere concedere; tunc omnino expediet, ut superior hac in re ster Judicio Confessarii, inquit Coninch *L. c. n. III.* ubi etiam dat optimam hanc rationem, quia

cùm Confessarius semper personam, ut & casum ipsum cum omnibus suis circumstantiis perspectum particulatim habeat, faciliùs & melius scire potest, quid expediat, quām ipse superior, qui hæc ignorat; cùm ei propter periculum frangendi sigilli casus vel omnino, vel ex maxima parte, non possit indicari. Idem sentit Laym. Dicast. & alii communiter. Si autem expedit, ut superior ster hæc Judicio Confessarii, tunc ille isto ita judicante jam potest dare facultatem; ergo etiam teneatur; cùm hoc ipso non habeat justam cāmque gravem causam negandi: nisi constet, Confessarium ex errore vel pravitate aliqua malè judicare. Confirmatur ex Fagund. paulò pōst citan. & Pellizar. *tom. 8. cap. 2. n. 59.* ubi negare injuste, & negare pio ac docto Confessario licentiam, habent pro eodem.

351. Atque hoc ipsum quoad Regulares statuit Clemens VIII. in suo de Reservatione Casuum Decreto *sup. n. 74.* præcipiens, ut in quavis domo Regulare Superiores deputent duos vel plures Confessarios, qui à non reservatis absolvant; & quibus etiam reservatorum absolutione committatur, quando casus occurrerit, in qua eam debere committi ipse in primis Confessarius judicaverit. Putat quidem Palaio *I. c. n. 7.* vi hujus Decreti Superiores non teneri, duos constituere Confessarios, nisi in domo, in qua unus non sufficit omnibus; nec teneri stare Judicio solius Confessarii, sed tantum debere ad illud præcipue attendere. Sed non bene; quia in utroque hoc puncto Clemens VIII. postea dispensavit (quamvis tantum vivæ vocis oræculo) cum Societate

QUÆST. II. Quomodo Superior obligatus sit ad eam dandem. 205

rate JESU: quod utique fuisset frustra-
neum, si Pontifex nihil aliud in suo De-
creto, quam quod Palao vult, statuisset.
Addo, quod ipsa quoque Pontificis Di-
spensatio, ut habetur in nostris *Ord. Gen.*
cap. 5. n.3. plus non concesserit, quam ut
Judicium a reservatis absolvendi Confessariis non absolutè relinquitur; sed liceat
superiori facultatem denegare in iis casi-
bus, in quibus constat juxta ea, quæ Do-
ctores dicunt, esse denegandam; ergo in
omnibus aliis, in quibus juxta DD. non est
deneganda facultas, debet adhuc supe-
rior stare Judicio Confessarii deputati, seu
ordinarii.

352. Quoad seculares autem debet su-
perior stare judicio Confessarii, si iste sit
vir pius & doctus. Fagund. *Præc. 3. lib. 3.*
cap. 9. n.17. v. secunda. ubi ex *Sylv. v. Con-*
fessor. l. n.13. ait, pro pio & docto Confel-
fario habendum esse omnem illum, qui
approbatus & expositus est ad audiendas
confessiones; intellige tamen, quoad lo-
cum, & personas, pro quo, & quibus est
approbatus & expositus.

VII. Quando unum aut plura desunt
ex requisitis *supràpositis* à n.337.

VIII. Quando est dubium, an omnia
ad sint requisita n.341. Atque hæc de
prima parte Questionis. Nunc ad alte-
ram.

Q U Æ S T I O N E II.

Quomodo superior obligatus
sit concedere facultatem, quando
eam dare tenetur.

353. **D**uo hic dicenda sunt. Itaque supe-
rior ita obligatus est ad concedē-

dami petitam facultatem absolvendi a re-
servatis, ut si neget, quando dare tenetur,
peccet mortaliter. Tamb. *cit. cap. 8. §.2.*
n.2. & Fag. *Præcept. 3. lib. 3. cap. 9. n.17. v.*
similiter. ait, superiore peccare morta-
liter, si se non præbeat facilem in conce-
denda petita licentia, idque expresse
docere Henriquez, Sylvestrum, Panor-
mit. & Rodriq. juxta communem alio-
rum, qui passim dicunt, superiore hac
in re posse graviter offendere, graviter
peccare.

Peccat autem graviter & mortaliter 1.
contra Charitatem. Suar. Reginald. Co-
ninch, Lugo alii, quia proximum gravi-
onere & incommode afficit sine suffi-
cienti causa. 2. contra Justitiam, quia
subdit auxilium, quod potest, & ratio-
ne sui officii debet præstare, non præstat,
ut probat Lugo *l.c. n.237.* cum alius con-
tra Suarez. 3. contra Religionem, quia
facit Sacramentum Pœnitentiae difficile,
& odiosum, exponitque periculo tractan-
di illud irreverenter & sacrilegè. Regi-
nald. *l.c. n.46.* & 51. Unde S. Thom. in
4. Dift. 17. q.3. art. 3. Quesitiunc. 4. ad 6. ta-
les superiores multis, inquit, laqueum
damnationis injiciunt, & per consequens
sibi ipsis; & Suar. apud Fagund. *l.c.* dicit,
id esse crudele, tyrannicum & periculo-
sum; testaturque Fagund. *ibid. v. secunda.*
tales superiores ab aliis vocari crudeles &
tyrannos.

354. II. Et si superior regnulariter re-
neatur petitam facultatem concedere, &
quidem sub peccato mortali, ut dictum;
tamen non semper tenetur concedere illi
Confessario aut Sacerdoti, per quem ea
pro alio petitur. Reginald. *n.50.* Co-
ninch